

MOU

28/08/2024 | NORSAKINA ZURINA BINTI ZULKIFLI



5 Ogos 2024 – Satu perbincangan kerjasama penting telah diadakan antara Universiti Teknologi MARA (UiTM) Cawangan Perak dan Universiti Sharda, India. Perbincangan ini berlangsung di Mitsui Sepang dan dihadiri oleh lapan orang pensyarah dari Fakulti Sains Gunaan, UiTM Cawangan Perak, yang diketuai oleh Ketua Pusat Pengajian Fakulti Sains Gunaan, Dr. Fathiah Abdullah. Universiti Sharda diwakili oleh sebelas orang wakil yang diketuai oleh Timbalan Dekan Penyelidikan Prof. Dr. Mohit Sahni dan Ketua Jabatan Fizik, Prof. Dr. Pramod Kumar Singh. Turut hadir adalah Dr. Kanu Priya dan Dr. Richa Tomar dari Pusat Pengajian Sains Asas & Penyelidikan, serta Dr. Har Mohan Singh dari Jabatan Sains Alam Sekitar, Universiti Sharda.

Objektif utama perbincangan ini adalah untuk merangka aktiviti-aktiviti yang akan dijalankan selepas termeterainya Memorandum Persefahaman (MoU) antara kedua-dua universiti. Antara perkara yang dibincangkan adalah kerjasama dalam penganjuran konferensi yang akan dianjurkan oleh Fakulti Sains Gunaan, UiTM Perak, serta peluang-peluang lain yang boleh dimanfaatkan oleh kedua-dua pihak dalam bidang sains gunaan.



Pertemuan ini mencerminkan komitmen kedua-dua institusi untuk memperkukuh hubungan akademik dan penyelidikan. Ia juga membuka ruang kepada lebih banyak inisiatif bersama yang berpotensi memberi manfaat besar kepada

pelajar, penyelidik, dan masyarakat secara keseluruhannya. Perbincangan ini menandakan satu langkah awal yang signifikan ke arah merealisasikan kerjasama yang lebih erat dalam bidang pendidikan dan penyelidikan di peringkat antarabangsa.

MoU ini dijangka akan dilaksanakan dalam tempoh tiga tahun, dengan kemungkinan untuk dilanjutkan berdasarkan kejayaan dan manfaat yang diperolehi.

Penulis: Norsakina Zurina Zulkifli, Nunshaimah Salleh, Nurul Amni Abdullah

[in](#) Share [f](#) Share [X](#) Post

Tags: [Fakulti Sains Gunaan \(FSG\)](#), [UiTM Cawangan Perak](#), [Universiti Sharda](#), [Universiti Teknologi MARA \(UiTM\)](#)

< [Syarahan Perdana Profesor Adjung UiTM: Dato' Abdul Kadir bin Abu Hashim, Ketua Pengarah, Jabatan PERHILITAN Semenanjung Malaysia](#)

[From UiTM to Hiroshima: A Student's Global Learning Experience](#) >

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul Ehsan
Malaysia

Tel: +603-5544 2051 / 2000

